

19-bob. Byudjet tizimi byudjetlarini ijro etish tartibi

109-modda. Umumiy qoidalar

Byudjet tizimi byudjetlarining ijrosi byudjet to‘g‘risidagi qonun hujjatlarida belgilangan byudjet tizimi byudjetlari daromadlarining tushishini ta‘minlash va xarajatlarini amalga oshirishni, shuningdek ularning ijrosi bilan bog‘liq operatsiyalarni hisobga olishni nazarda tutadi.

O‘zbekiston Respublikasi respublika byudjetining, davlat maqsadli jamg‘armalari byudjetlarining ijrosi O‘zbekiston Respublikasi Vazirlar Mahkamasi tomonidan ta‘minlanadi.

Qoraqalpog‘iston Respublikasi byudjetining, viloyatlar va Toshkent shahar mahalliy byudjetlarining ijrosi Qoraqalpog‘iston Respublikasi Vazirlar Kengashi, viloyatlar va Toshkent shahar, tumanlar va shaharlar hokimliklari tomonidan ta‘minlanadi.

Byudjet tashkilotlari byudjetdan tashqari jamg‘armalarining ijrosi byudjet tashkilotlari tomonidan ta‘minlanadi.

Byudjet tizimi byudjetlarining ijrosi O‘zbekiston Respublikasi Moliya vazirligi tomonidan g‘azna ijrosi yo‘li bilan amalga oshiriladi. G‘azna ijrosi faoliyatni chet elda amalga oshirayotgan byudjet tashkilotlariga va byudjet mablag‘lari oluvchilarga tatbiq etilmaydi.

O‘zbekiston Respublikasi Moliya vazirligining axborot tizimida byudjet tizimi byudjetlari, byudjet tashkilotlari va byudjet mablag‘lari oluvchilar uchun shaxsiy g‘azna hisobvaraqlari ochiladi.

Byudjet tashkilotlari va byudjet mablag‘lari oluvchilar o‘z xarajatlar smetalarida nazarda tutilgan byudjetdan ajratiladigan mablag‘larni moliya yili tugaguniga qadar sarflashga haqli.

Mamlakatda mudofaa qobiliyatini, xavfsizlikni ta‘minlash, ichki tartibni saqlash bilan bog‘liq xarajatlar O‘zbekiston

Respublikasi Vazirlar Mahkamasi tomonidan belgilanadigan tartibda amalga oshiriladi.

110-modda. Byudjet tizimi byudjetlarini ijro etish muddatlari

Byudjet tizimi byudjetlarining ijrosi moliya yili mobaynida va qo'shimcha vaqt davrida amalga oshiriladi.

Keyingi yilning yanvar oyi moliya yiliga qo'shimcha vaqt davri bo'lib, bu davr mobaynida o'tgan yil uchun byudjet tizimi byudjetlarining ijrosi amalga oshiriladi. O'zbekiston Respublikasi Moliya vazirligi byudjet tizimi byudjetlarining qo'shimcha vaqt davridagi ijrosi bo'yicha operatsiyalarni o'tkazish tartibini va oxirgi muddatlarini belgilaydi.

Qarang: Mazkur Kodeks 18-moddasining birinchi qismi, 23-moddasining ikkinchi qismi, 28-moddasi birinchi qismining ikkinchi xatboshisi, 104, 109 va 130-moddalari.

111-modda. O'zbekiston Respublikasi Moliya vazirligining bank hisobvaraqlari

Yagona g'azna hisobvarag'i O'zbekiston Respublikasi Moliya vazirligi tomonidan boshqariladigan maxsus bank hisobvarag'i bo'lib, unga byudjet tizimi byudjetlarining daromadlari va boshqa tushumlari kiritiladi hamda undan mazkur byudjetlarning xarajatlari to'lanadi. O'zbekiston Respublikasi Moliya vazirligi O'zbekiston Respublikasi Markaziy bankida va boshqa banklarda o'zga bank hisobvaraqlari ochish huquqiga ega.

Yagona g'azna hisobvarag'i O'zbekiston Respublikasi Markaziy bankida ochiladi.

O'zbekiston Respublikasi Moliya vazirligining bank hisobvaraqlaridan mablag'larning so'zsiz tartibda hisobdan chiqarilishiga yo'l qo'yilmaydi.

O'zbekiston Respublikasi Moliya vazirligining bank hisobvaraqlariga xizmat ko'rsatilganligi uchun haq olinmaydi.

112-modda. Davlat byudjeti va davlat maqsadli jamg'armalari byudjetlari daromadlari va xarajatlarining yoyilmasi

Davlat byudjeti va davlat maqsadli jamg'armalari byudjetlari daromadlari va xarajatlarining yoyilmasi (bundan buyon matnda daromadlar va xarajatlar yoyilmasi deb yuritiladi):

byudjet tasnifiga muvofiq tuzilgan daromadlar va xarajatlar prognozi ularning tasdiqlangan parametrlariga muvofiqligini;

daromadlar va xarajatlar parametrlari ijrosining monitoringini ta'minlash maqsadida tuziladi.

Daromadlar va xarajatlar yoyilmasining daromad qismi tegishli byudjet daromadlarining byudjet tasnifiga muvofiq oyma-oy bo'lingan yillik hajmlaridan tashkil topadi.

Daromadlar va xarajatlar yoyilmasining xarajat qismi tegishli byudjet xarajatlarining moliya yili uchun tasdiqlangan jamlanma xarajatlar smetalari xarajatlar smetalari asosida tuziladigan, byudjet tasnifiga muvofiq oyma-oy bo'lingan yillik hajmlaridan tashkil topadi.

(112-moddaning uchinchi qismi O'zbekiston Respublikasining 2015 yil 29 dekabrda O'RQ-396-sonli Qonuni tahririda — O'R QHT, 2015 y., 52-son, 645-modda)

Daromadlar va xarajatlar yoyilmasining yakuniy ma'lumotlari, byudjetlararo transfertlar bundan mustasno, tasdiqlangan yillik byudjetda qabul qilingan summalarga mos kelishi lozim.

Daromadlar va xarajatlar yoyilmasi:

O'zbekiston Respublikasining respublika byudjeti bo'yicha — O'zbekiston Respublikasi Moliya vazirligi tomonidan;

Qoraqalpog'iston Respublikasining respublika byudjeti, viloyatlarning viloyat byudjetlari va Toshkent shahrining shahar byudjeti bo'yicha — Qoraqalpog'iston Respublikasi Moliya vazirligi, viloyatlar va Toshkent shahar hokimliklarining moliya boshqarmalari tomonidan;

tumanlar va shaharlar byudjetlari bo'yicha — tumanlar va shaharlar hokimliklarining moliya bo'limlari tomonidan;

davlat maqsadli jamg'armalari bo'yicha — davlat maqsadli jamg'armalarini taqsimlovchi organlar tomonidan tuziladi.

Daromadlar va xarajatlar yoyilmasining xarajat qismiga xarajatlar smetalarini tuzish talab qilinmaydigan quyidagi:

byudjet tashkilotlari va byudjet mablag'lari oluvchilarning xarajatlar smetalarini ro'yxatdan o'tkazish hamda ijro etish jarayonida bo'shaydigan;

tovar-moddiy qimmatliklarning normativdan ortiq zaxiralari bo'yicha hisobga olingan;

advokatlar tomonidan ko'rsatilgan yuridik yordam uchun davlat hisobidan to'lanishi nazarda tutiladigan;

qo'shilgan qiymat solig'i summasini soliq to'lovchilarga qaytarish uchun nazarda tutiladigan;

davlat organlari yoki ular mansabdor shaxslarining qonunga xilof harakatlari (harakatsizligi) natijasida jismoniy yoki yuridik shaxslarga yetkazilgan zararining o'rnini qoplash uchun nazarda tutiladigan;

byudjet tashkilotlarida ishlovchi ayollarga homiladorlik va tug'ish nafaqasini to'lash uchun nazarda tutiladigan, byudjet tashkilotlarining xarajatlar smetalariga qonun hujjatlarida belgilangan tartibda o'zgartirishlar kiritilgan hollar bundan mustasno;

bir yo'la beriladigan davlat pul mukofotlari va mukofotlarini to'lash uchun nazarda tutiladigan;

Chernobil AES halokati oqibatlarini tugatish ishtirokchilariga kompensasiyalar to'lash uchun nazarda tutiladigan;

transportda imtiyozli yurishni qoplash uchun nazarda tutiladigan;

davlat qarzini to'lash va unga xizmat ko'rsatish, O'zbekiston Respublikasi ishtirokchi bo'lgan xalqaro tashkilotlarga a'zolik badallarini to'lash va ularni moliyalashtirishda ishtirok etish uchun mo'ljallangan;

davlat ehtiyojlari uchun qishloq xo'jaligi mahsulotlarini yetishtirayotgan qishloq xo'jaligi korxonalarini moliyaviy qo'llab-quvvatlash uchun nazarda tutiladigan;

saylov va referendumlar o'tkazish uchun nazarda tutiladigan;

byudjetlararo transfertlar ajratish uchun nazarda tutiladigan;

tijorat banklari va boshqa moliya institutlarining ustav kapitalini shakllantirish va ko'paytirish uchun nazarda tutiladigan;

rezident-yuridik shaxslarga byudjet ssudalari ajratish va O'zbekiston Respublikasi Moliya vazirligining kredit liniyalarini ochish uchun nazarda tutiladigan;

soliq va byudjet siyosatining asosiy yo'nalishlarida nazarda tutilgan tadbirlar hamda moliya yili mobaynida amalga oshirilishi nazarda tutilgan va Davlat byudjeti xarajatlarini ko'paytirishni talab qiladigan boshqa tadbirlar uchun mo'ljallangan;

davlat maqsadli jamg'armalariga o'tkazib beriladigan;

O'zbekiston Respublikasi Vazirlar Mahkamasining, Qoraqalpog'iston Respublikasi respublika byudjetining, viloyatlar viloyat byudjetlarining va Toshkent shahri shahar byudjetining tumanlar va shaharlar byudjetlarining zaxira jamg'armalarini shakllantirish uchun byudjetdan ajratiladigan mablag'lar kiritiladi.

*(112-moddaning oltinchi qismi o'n to'qqizinchi xatboshisi O'zbekiston Respublikasining 2017 yil 29 dekabrda O'RQ-454-sonli **Qonuni** tahririda — Qonun hujjatlari ma'lumotlari milliy bazasi, 01.01.2018 y., 03/18/454/0493-son)*

Byudjet tashkilotlari va byudjet mablag'lari oluvchilarning tasdiqlangan hamda ro'yxatdan o'tkazilgan vaqtinchalik xarajatlar smetalari asosida tegishli byudjetlarning moliya yilining birinchi choragi uchun vaqtinchalik xarajatlari yoyilmasi tuziladi.

(112-modda O‘zbekiston Respublikasining 2015 yil 29 dekabrda O‘RQ-396-sonli Qonunga asosan yettinchi qism bilan to‘ldirilgan — O‘R QHT, 2015 y., 52-son, 645-modda)

113-modda. Shaxsiy g‘azna hisobvaraqlarining turlari

Shaxsiy g‘azna hisobvaraqlari quyidagi turlar bo‘yicha ochiladi:

byudjet tizimi byudjetlarining darajalari bo‘yicha shaxsiy g‘azna hisobvaraqlari;

Davlat byudjetining va davlat maqsadli jamg‘armalarining daromadlari bo‘yicha shaxsiy g‘azna hisobvaraqlari;

byudjet tashkilotlari va byudjet mablag‘lari oluvchilarning shaxsiy g‘azna hisobvaraqlari.

Shaxsiy g‘azna hisobvaraqlarini yuritish tartibi O‘zbekiston Respublikasi Moliya vazirligi tomonidan belgilanadi.

114-modda. Byudjet tizimi byudjetlarining darajalari bo‘yicha shaxsiy g‘azna hisobvaraqlari

Byudjet tizimi byudjetlarining darajalari bo‘yicha shaxsiy g‘azna hisobvaraqlari:

O‘zbekiston Respublikasining respublika byudjeti bo‘yicha — O‘zbekiston Respublikasi Moliya vazirligi tomonidan;

Qoraqalpog‘iston Respublikasining respublika byudjeti, viloyatlarning viloyat byudjetlari va Toshkent shahrining shahar byudjeti bo‘yicha — Qoraqalpog‘iston Respublikasi Moliya vazirligi, viloyatlar va Toshkent shahar hokimliklarining moliya boshqarmalari tomonidan;

tumanlar va shaharlar byudjetlari bo‘yicha — tumanlar va shaharlar hokimliklarining moliya bo‘limlari tomonidan;

davlat maqsadli jamg‘armalarining byudjetlari bo‘yicha — davlat maqsadli jamg‘armalarini taqsimlovchi organlar tomonidan ochiladi.

Qarang: Mazkur Kodeksning 112, 113, 115, 116-moddalari, O‘zbekiston Respublikasi Adliya vazirligi tomonidan 2016 yil 30 martda 2772-son bilan davlat ro‘yxatidan

o'tkazilgan O'zbekiston Respublikasi Moliya vazirining 2016 yil 24 martdagi 21-sonli qarori bilan tasdiqlangan O'zbekiston Respublikasi Moliya vazirligining axborot tizimida shaxsiy g'azna hisobvaraqlarini yuritish qoidalari.

115-modda. Davlat byudjetining va davlat maqsadli jamg'armalarining daromadlari bo'yicha shaxsiy g'azna hisobvaraqlari

Davlat byudjetining va davlat maqsadli jamg'armalarining daromadlari bo'yicha shaxsiy g'azna hisobvaraqlari O'zbekiston Respublikasi Moliya vazirligi tomonidan ochiladi.

Qarang: Mazkur Kodeksning 112 — 114, 116-moddalari, O'zbekiston Respublikasi Adliya vazirligi tomonidan 2016 yil 30 martda 2772-son bilan davlat ro'yxatidan o'tkazilgan O'zbekiston Respublikasi Moliya vazirining 2016 yil 24 martdagi 21-sonli qarori bilan tasdiqlangan O'zbekiston Respublikasi Moliya vazirligining axborot tizimida shaxsiy g'azna hisobvaraqlarini yuritish qoidalari.

116-modda. Byudjet tashkilotlari va byudjet mablag'lari oluvchilarning shaxsiy g'azna hisobvaraqlari

Byudjet tashkilotlari va byudjet mablag'lari oluvchilarning shaxsiy g'azna hisobvaraqlari:

O'zbekiston Respublikasining respublika byudjetidan moliyalashtiriladigan tashkilotlar uchun — O'zbekiston Respublikasi Moliya vazirligi tomonidan;

Qoraqalpog'iston Respublikasining respublika byudjetidan, viloyatlarning viloyat byudjetlaridan va Toshkent shahrining shahar byudjetidan moliyalashtiriladigan tashkilotlar uchun — Qoraqalpog'iston Respublikasi Moliya vazirligi, viloyatlar va Toshkent shahar hokimliklarining moliya boshqarmalari tomonidan;

tumanlar va shaharlar byudjetlaridan moliyalashtiriladigan tashkilotlar uchun — tumanlar va shaharlar hokimliklarining moliya bo‘limlari tomonidan;

davlat maqsadli jamg‘armalarining byudjetidan moliyalashtiriladigan tashkilotlar uchun — davlat maqsadli jamg‘armalarini taqsimlovchi organlar tomonidan ochiladi.

Qarang: Mazkur Kodeksning 112 — 115-moddalari, O‘zbekiston Respublikasi Adliya vazirligi tomonidan 2016 yil 30 martda 2772-son bilan davlat ro‘yxatidan o‘tkazilgan O‘zbekiston Respublikasi Moliya vazirining 2016 yil 24 martdagi 21-sonli qarori bilan tasdiqlangan O‘zbekiston Respublikasi Moliya vazirligining axborot tizimida shaxsiy g‘azna hisobvaraqlarini yuritish qoidalari.

117-modda. Byudjet tizimi byudjetlari daromad qismining ijrosi

Byudjet tizimi byudjetlari daromad qismining ijrosi:

tushumlarni Yagona g‘azna hisobvarag‘iga va boshqa bank hisobvaraqlariga kiritishni;

tushumlarni byudjet tizimining byudjetlari o‘rtasida taqsimlashni;

ortiqcha yoki noto‘g‘ri to‘langan tushum summalarini qaytarishni yoxud ularni qarzni to‘lash evaziga hisobga olishni;

hisob va hisobotni;

ijro ustidan nazoratni nazarda tutadi.

(117-modda birinchi qismining beshinchi xatboshisi O‘zbekiston Respublikasining 2020 yil 17 martdagi O‘RQ-612-sonli Qonuniga asosan beshinchi va oltinchi xatboshilar bilan almashtirilgan — Qonun hujjatlari ma’lumotlari milliy bazasi, 18.03.2020 y., 03/20/612/0326-son)

Davlat byudjetiga va davlat maqsadli jamg‘armalari byudjetlariga daromadlarni yig‘ishga vakolatli bo‘lgan organlar va tashkilotlar, davlat soliq xizmati organlari va bojxona organlari bundan mustasno, daromadlarning to‘g‘ri hisoblab

chiqilishi, to'liq va o'z vaqtida to'lanishi ustidan nazoratni amalga oshirishi, shuningdek, agar qonun hujjatlarida boshqacha qoida nazarda tutilmagan bo'lsa, davlat soliq xizmati organiga hisobot taqdim etishi shart.

118-modda. Byudjet tizimi byudjetlari o'rtasida tushumlarni taqsimlash

Tartibga soluvchi daromadlardan tushgan tushumlar byudjet tizimi byudjetlari o'rtasida taqsimlanadi.

Byudjet tizimi byudjetlari o'rtasidagi tartibga soluvchi daromadlardan ajratmalarning normativlari O'zbekiston Respublikasi Prezidenti yoki u vakolat bergan organ tomonidan belgilanadi.

Tartibga soluvchi daromadlardan Qoraqalpog'iston Respublikasining respublika byudjetiga, viloyatlarning viloyat byudjetlariga, Toshkent shahrining shahar byudjetiga hamda tumanlar va shaharlar byudjetlariga ajratmalarning normativlari tegishincha Qoraqalpog'iston Respublikasi Vazirlar Kengashi, viloyatlar va Toshkent shahar hokimlari tomonidan tasdiqlanadi.

Tartibga soluvchi daromadlarni byudjet tizimining byudjetlari o'rtasida taqsimlash O'zbekiston Respublikasi Moliya vazirligi tomonidan amalga oshiriladi.

Ushbu Kodeksning 51-moddasida ko'rsatilgan qaysi daromadlar bo'yicha tartibga soluvchi daromadlardan ajratmalarning normativlari belgilanmagan bo'lsa, o'sha daromadlar O'zbekiston Respublikasining respublika byudjetiga to'liq hajmda kiritilishi lozim, ushbu Kodeksning 52-moddasida nazarda tutilgan hollar bundan mustasno.

Qoraqalpog'iston Respublikasi Vazirlar Kengashi, viloyatlar va Toshkent shahar hokimlari tegishli moliya organlarining taklifiga ko'ra mahalliy soliqlar to'liq hajmda kiritiladigan byudjet darajasini belgilaydi.

Qarang: Mazkur Kodeksning 112 — 116-moddalari, 125-moddasi.

119-modda. Davlat byudjetining va davlat maqsadli jamg'armalari byudjetlarining qo'shimcha manbalari

Davlat byudjetining qo'shimcha manbalari Davlat byudjetining har bir darajasidagi byudjetlarida alohida-alohida shakllantiriladi va quyidagilardan tashkil topadi:

O'zbekiston Respublikasi respublika byudjetining, Qoraqalpog'iston Respublikasi respublika byudjetining, viloyatlar viloyat byudjetlarining, Toshkent shahri shahar byudjetining, tumanlar va shaharlar byudjetlarining har yil boshida aniqlanadigan erkin qoldiq mablag'laridan;

O'zbekiston Respublikasining respublika byudjeti, Qoraqalpog'iston Respublikasining respublika byudjeti, viloyatlarning viloyat byudjetlari, Toshkent shahrining shahar byudjeti, tumanlar va shaharlar byudjetlari daromadlarining birinchi — uchinchi hisobot choraklari yakunlari bo'yicha aniqlanadigan prognozdan oshirib bajarilishidan;

Qoraqalpog'iston Respublikasining respublika byudjetiga, viloyatlarning viloyat byudjetlariga va Toshkent shahrining shahar byudjetiga davlat aktivlarini xususiylashtirishdan tushgan mablag'lardan;

davlat daromadiga o'tkazilgan mol-mulkni realizasiya qilishdan tushgan tushumlar;

(119-moddaning birinchi qismi O'zbekiston Respublikasining 2017 yil 29 dekabrda O'RQ-454-sonli Qonuniga asosan beshinchi xatboshi bilan to'ldirilgan — Qonun hujjatlari ma'lumotlari milliy bazasi, 01.01.2018 y., 03/18/454/0493-son)

ushbu Kodeksning 120-moddasi to'rtinchi qismiga muvofiq byudjetdan ajratiladigan mablag'lar kamaytirilishi natijasida bo'shab qolgan mablag'lardan.

O'zbekiston Respublikasi respublika byudjetining, Qoraqalpog'iston Respublikasi respublika byudjetining, viloyatlar viloyat byudjetlarining, Toshkent shahri shahar

byudjetining, tumanlar va shaharlar byudjetlarining erkin qoldiq mablagʻlari ularning shaxsiy gʻazna hisobvaraqlaridagi byudjet mablagʻlari qoldigʻining (davlat aktivlarini xususiylashtirishdan tushgan mablagʻlarning yil boshidagi qoldiqlari summasi bundan mustasno) ushbu byudjetlar uchun joriy moliya yiliga tasdiqlangan aylanma kassa mablagʻlari miqdoridan oshgan summasi sifatida aniqlanadi.

(119-moddaning ikkinchi qismi Oʻzbekiston Respublikasining 2015 yil 29 dekabrda OʻRQ-396-sonli Qonuni tahririda — OʻR QHT, 2015 y., 52-son, 645-modda)

Oʻzbekiston Respublikasi respublika byudjeti, Qoraqalpogʻiston Respublikasi respublika byudjeti, viloyatlar viloyat byudjetlari, Toshkent shahri shahar byudjeti, tumanlar va shaharlar byudjetlari daromadlari prognozining oshirib bajarilishi birinchi — uchinchi hisobot choraklari uchun haqiqatda tushgan tushumlarning tegishli hisobot choraklari uchun soliqlar va boshqa majburiy toʻlovlar boʻyicha daromadlarning aniqlangan prognozidan ortiq summasi sifatida qonun hujjatlarida belgilangan tartibda aniqlanadi.

Quyi turuvchi byudjetlar daromadlari prognozining oshirib bajarilishi summalarini yuqori turuvchi byudjetda markazlashtirishga yoʻl qoʻyilmaydi.

Davlat maqsadli jamgʻarmalari byudjetlarining qoʻshimcha manbalari quyidagilardir:

yil boshidagi holatga koʻra davlat maqsadli jamgʻarmalarining shaxsiy gʻazna hisobvaraqlaridagi mablagʻlarning yil boshiga tasdiqlangan mablagʻlar miqdoridan ortiq boʻlgan qoldiqlari;

davlat maqsadli jamgʻarmalari byudjetlarini ijro etish jarayonida joriy yil daromadlari prognozining birinchi — uchinchi hisobot choraklari yakunlari boʻyicha, ushbu moddaning **uchinchi qismida** belgilangan tartibda aniqlanadigan oshirib bajarilishi;

davlat maqsadli jamg'armalari byudjetlarini ijro etish jarayonida ularning xarajatlari iqtisod qilinishi natijasida bo'shab qolgan mablag'lar.

Qarang: Mazkur Kodeks 25-moddasi birinchi qismining o'ninchi xatboshisi, 28-moddasi birinchi qismining yettinchi xatboshisi.

120-modda. Byudjet tizimi byudjetlari xarajatlar qismining ijrosi

Byudjet tizimi byudjetlari xarajatlar qismining ijrosi:

yuridik va moliyaviy majburiyatlarni qabul qilish, ro'yxatdan o'tkazish va hisobga olishni;

kassa xarajatlarini amalga oshirishni, shu jumladan byudjetlararo transfertlarni o'tkazishni;

hisob va hisobotni;

ijro ustidan nazoratni nazarda tutadi.

(120-modda birinchi qismining to'rtinchi xatboshisi O'zbekiston Respublikasining 2020 yil 17 martdagi O'RQ-612-sonli Qonuniga asosan to'rtinchi va beshinchi xatboshilar bilan almashtirilgan — Qonun hujjatlari ma'lumotlari milliy bazasi, 18.03.2020 y., 03/20/612/0326-son)

Byudjet tizimi byudjetlarining xarajatlari daromadlar va xarajatlar yoyilmasida nazarda tutilgan byudjetdan ajratiladigan mablag'lar doirasida hamda byudjet tashkilotlari va byudjet mablag'lari oluvchilar faoliyat ko'rsatishini ta'minlaydigan muddatlarda, daromadlarning tushishi hisobga olingan holda amalga oshiriladi.

Byudjet tashkilotlariga va byudjet mablag'lari oluvchilarga turli darajadagi byudjetlardan byudjetdan ajratiladigan mablag'larni ajratishga yo'l qo'yilmaydi, O'zbekiston Respublikasi Vazirlar Mahkamasi tomonidan belgilangan hollar bundan mustasno.

Byudjet tizimi byudjetlarining ijrosi jarayonida byudjetdan ajratiladigan mablag'lar:

1) quyidagilar munosabati bilan foydalanilmay qolgan byudjetdan ajratiladigan mablag‘larning:

byudjet tashkilotlarining tarmog‘i, shtatlari va kontingentlari bo‘yicha reja bajarilmaganligi;

byudjet tashkilotlarining tasdiqlangan shtat jadvalida nazarda tutilgan shtat birliklari to‘ldirilmaganligi;

kapital qo‘yilmalarni moliyalashtirish uchun nazarda tutilgan mablag‘lar moliya yili yakuni bo‘yicha to‘liq o‘zlashtirilmaganligi;

byudjet tashkiloti va byudjet mablag‘lari oluvchilar faoliyati to‘xtatib turilganligi — to‘xtatib turilgan davr uchun;

2) byudjet tashkilotlari va byudjet mablag‘lari oluvchilarning tasdiqlangan xarajatlar smetalarida nazarda tutilgan, davlat moliyaviy nazorati bo‘yicha tadbirlar davomida aniqlangan ortiqcha va qonunga xilof ravishda byudjetdan ajratilgan mablag‘larning summalariga;

3) qonun hujjatlari qabul qilinishi munosabati bilan byudjetdan ajratiladigan mablag‘lar miqdorlarining qisqartirilishi summalariga;

4) moliya yili boshiga tovar-moddiy qimmatliklarning normativdan ortiq zaxiralarining summalariga;

5) dotasiyalar va subsidiyalarni to‘lash uchun mo‘ljallanib, ammo zarurati qolmagan summalariga kamaytiriladi.

Byudjetdan ajratiladigan mablag‘larni ushbu moddaning **to‘rtinchi qismiga** muvofiq kamaytirish tartibi O‘zbekiston Respublikasi Moliya vazirligi tomonidan belgilanadi.

Qarang: Mazkur Kodeksning 109 va 112-moddalari, O‘zbekiston Respublikasi Adliya vazirligi tomonidan 22.12.2016 yilda 2850-son bilan ro‘yxatdan o‘tkazilgan O‘zbekiston Respublikasi moliya vazirining 22.11.2016 yildagi “O‘zbekiston Respublikasi byudjet tizimi byudjetlarining g‘azna ijrosi qoidalarini tasdiqlash haqida”gi buyrug‘i.

121-modda. Davlat xaridlari

Davlat xaridlari tovarlarni (ishlarni, xizmatlarni) yetkazib beruvchilarning raqobati va ochiqlikni ta'minlash asosida amalga oshiriladi.

Davlat xaridlari amalga oshirilishi va ularning yakunlari to'g'risidagi e'lonlar belgilangan tartibda operatorning maxsus axborot portalida joylashtirilishi kerak.

(121-moddaning ikkinchi qismi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

Davlat xaridlari amalga oshirilishi to'g'risidagi e'lonlarni maxsus axborot portalida joylashtirish joriy moliya yilining 10 dekabridan kechiktirmasdan amalga oshiriladi.

(121-moddaning uchinchi qismi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

Raqobat va ochiqlik cheklangan holdagi davlat xaridlari qonun hujjatlarida nazarda tutilgan hollarda amalga oshirilishi mumkin.

Qarang: O'zbekiston Respublikasining 2018 yil 9 apreldagi "Davlat xaridlari to'g'risida"gi Qonuni, O'zbekiston Respublikasi Prezidentining 2018 yil 8 yanvardagi "O'zbekiston Respublikasining rivojlanish davlat dasturlarini shakllantirish va ro'yobga chiqarish, davlat xaridlarini amalga oshirish doirasida hujjatlarni kompleks ekspertiza qilishning samarali tizimini yaratish to'g'risida"gi PQ-3464-sonli qarori, O'zbekiston Respublikasi Prezidentining 2018 yil 27 sentyabrdagi O'zbekiston Respublikasining «Davlat xaridlari

to'g'risida»gi Qonunini amalga oshirish chora-tadbirlari to'g'risida PQ-3953-sonli qarori, O'zbekiston Respublikasi Adliya vazirligi tomonidan 2018 yil 14 mayda 3013-son bilan ro'yxatdan o'tkazilgan, O'zbekiston Respublikasi Prezidenti huzuridagi Loyiha boshqaruvi milliy agentligi direktorining 2018 yil 1 maydagi 180-son buyrug'i bilan tasdiqlangan Davlat xaridlari sohasidagi shikoyatlarni ko'rib chiqish tartibi to'g'risida nizom.

122-modda. Byudjet tashkilotlari va byudjet mablag'lari oluvchilar tomonidan yuridik majburiyatlarni qabul qilish, ularni ro'yxatdan o'tkazish hamda hisobga olish

Yuridik majburiyatlar iqtisodiy tasnif kodlari bo'yicha byudjetdan ajratiladigan mablag'lar doirasida byudjet tashkilotlari va byudjet mablag'lari oluvchilar tomonidan qabul qilinadi hamda g'aznachilik bo'linmalari tomonidan ro'yxatdan o'tkaziladi.

Byudjet tashkilotlarining byudjetdan tashqari jamg'armalari hisobidan ijro etilishi lozim bo'lgan yuridik majburiyatlar g'aznachilik bo'linmalari tomonidan hisobga olinadi.

(122-moddaning ikkinchi qismi O'zbekiston Respublikasining 2018 yil 24 dekabrda O'RQ-508-sonli Qonuni tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)

Byudjet tashkilotlari va byudjet mablag'lari oluvchilarning byudjetdan ajratiladigan mablag'lar bo'yicha tovarlarni (ishlarni, xizmatlarni) yetkazib beruvchilar bilan tuzgan shartnomalari, shuningdek ularga kiritilgan o'zgartirish va qo'shimchalar ular g'aznachilik bo'linmalarida ro'yxatdan o'tkazilganidan keyin kuchga kiradi.

Byudjet tashkilotlari va byudjet mablag'lari oluvchilar yuridik majburiyatlar yuzaga kelishini tasdiqlovchi hujjatlarni g'aznachilik bo'linmalarida ro'yxatdan o'tkazish uchun joriy moliya yilining 25 dekabridan kechiktirmay taqdim etadi.

Byudjet tashkilotlari va byudjet mablag'lari oluvchilarning tovarlarni (ishlarni, xizmatlarni) yetkazib berish to'g'risida tuziladigan shartnomalarida 15 foiz miqdorida oldindan to'lovni amalga oshirish nazarda tutiladi, O'zbekiston Respublikasi Vazirlar Mahkamasi tomonidan belgilangan hollar bundan mustasno.

Byudjet tashkilotlarining va byudjet mablag'lari oluvchilarning tovarlarni (ishlarni, xizmatlarni) import qilish bo'yicha shartnomalari, ularga kiritilgan o'zgartish va qo'shimchalar ushbu shartnomalar qonun hujjatlarida nazarda tutilgan tartibda vakolatli organlarda tegishli ekspertizadan o'tganidan va hisobga qo'yilganidan so'ng g'aznachilik bo'linmalari tomonidan ro'yxatdan o'tkaziladi. Bunda shartnomalarda ko'rsatilgan summalar g'aznachilik bo'linmalari tomonidan O'zbekiston Respublikasining milliy valyutasida hisobga olinadi.

Byudjet tashkilotlari va byudjet mablag'lari oluvchilarning birinchi hamda ikkinchi guruh xarajatlari bo'yicha yuridik majburiyatlari g'aznachilik bo'linmalari tomonidan buyurtmalar shaklida ro'yxatdan o'tkaziladi.

Byudjet tashkilotlari va byudjet mablag'lari oluvchilarning tovarlarni (ishlarni, xizmatlarni) yetkazib beruvchilar bilan shartnomalari joriy moliya yili doirasida amal qilish muddati bilan tuzilishi lozim, kapital qo'yilmalar bo'yicha shartnomalar hamda qonun hujjatlarida nazarda tutilgan amal qilish muddati bir necha yilni tashkil etishi mumkin bo'lgan hollar bundan mustasno. Shartnomaning amal qilish muddati tugagach, agar shartnomaning amal qilish muddatini uzaytirish to'g'risida qo'shimcha bitim tuzilmagan bo'lsa, yetkazib beruvchi (pudratchi) tomonidan tovarlarni (ishlarni, xizmatlarni) yetkazib berish bo'yicha yuridik majburiyatlarni bajarish tugatiladi.

Byudjetdan ajratiladigan mablag'lar asosida belgilangan yuridik majburiyatlarni qabul qilish uchun limit birinchi navbatda tegishli moddalar bo'yicha moliya yili boshida mavjud bo'lgan, byudjetdan ajratiladigan mablag'lar hisobidan to'lanishi

lozim bo'lgan va g'aznachilik bo'linmalarida ro'yxatdan o'tkazilgan shartnomalar bo'yicha yuzaga kelgan kreditorlik qarzi summasiga band qilib qo'yiladi.

Mablag'larni:

byudjet tashkilotining iqtisod qilingan byudjetdan ajratiladigan mablag'lari hisobidan o'z byudjet tashkilotlarini rivojlantirish jamg'armasiga, shuningdek tibbiyot muassasasi tomonidan — xarajatlar smetasida nazarda tutilgan maqsadli byudjetdan ajratiladigan mablag'lari hisobidan o'zining tibbiyot tashkilotlarini moddiy rag'batlantirish va rivojlantirish jamg'armasiga;

har bir ob'yekt bo'yicha kelishilgan manzilli va titul ro'yxatlarda hamda shaxsiy g'azna hisobvaraqlarida ushbu maqsadlar uchun nazarda tutilgan summalar doirasida kapital qo'yilmalar bo'yicha buyurtmachi xizmatini saqlab turishga;

solliqlar va boshqa majburiy to'lovlarni, davlat hokimiyati va boshqaruvi organlarining xizmatlari uchun haq to'lashga;

yuridik majburiyatlar mavjudligini tasdiqlovchi boshqa hujjatlar asosida amalga oshiriladigan xarajatlarni to'lashga o'tkazish shartnoma tuzilmagan holda amalga oshirilishi mumkin.

Qarang: O'zbekiston Respublikasi Vazirlar Mahkamasining 2014 yil 13 maydagi 120-son qarori bilan tasdiqlangan Ijro hujjatlari bo'yicha undiruvni O'zbekiston Respublikasining davlat byudjeti mablag'lariga va byudjet tashkilotlarining moliyaviy majburiyatlariga qaratish tartibi to'g'risida nizamning 18-bandi, O'zbekiston Respublikasi Adliya vazirligi tomonidan 22.12.2016 yilda 2850-son bilan ro'yxatdan o'tkazilgan O'zbekiston Respublikasi moliya vazirining 22.11.2016 yildagi "O'zbekiston Respublikasi byudjet tizimi byudjetlarining g'azna ijrosi qoidalarini tasdiqlash haqidagi buyrug'i.

123-modda. Moliyaviy majburiyatlarni qabul qilish va ro'yxatdan o'tkazish

Moliyaviy majburiyatlar qabul qilingan yuridik majburiyatlar va xarajatlarni to'lash uchun berilgan ruxsatnomalar doirasida hisobvara-q-fakturalar hamda moliyaviy majburiyatlar mavjudligini tasdiqlovchi hujjatlar asosida g'aznachilik bo'linmalari tomonidan qabul qilinadi hamda ro'yxatdan o'tkaziladi.

Birinchi va ikkinchi guruh xarajatlari, shuningdek ushbu Kodeksning 122-moddasi o'ninchi qismida ko'rsatilgan xarajatlar bo'yicha moliyaviy majburiyatlar yuridik majburiyatlarni qabul qilishga doir buyurtmalar asosida, ish beruvchining fuqarolik javobgarligini majburiy sug'urta qilish bo'yicha esa, ish beruvchining fuqarolik javobgarligini majburiy sug'urta qilish shartnomalari asosida g'aznachilik bo'linmalari tomonidan ro'yxatdan o'tkaziladi.

(123-moddaning ikkinchi qismi O'zbekiston Respublikasining 2015 yil 29 dekabrda gi O'RQ-396-sonli Qonuni tahririda — O'R QHT, 2015 y., 52-son, 645-modda)

Amal qilish muddati tugagan shartnomalar bo'yicha yetkazib berilgan tovarlar (ko'rsatilgan xizmatlar, bajarilgan ishlar) haqini to'lash bo'yicha moliyaviy majburiyatlarni ro'yxatdan o'tkazish joriy moliya yili doirasida hamda ushbu Kodeks 122-moddasining sakkizinchi qismida ko'rsatilgan hollarda hisobvara-q-faktura va o'zaro majburiyatlarni solishtirish dalolatnomasi asosida amalga oshiriladi.

Qarang: Mazkur Kodeksning 124, 125-moddalari, 127-moddasining ikkinchi qismi, 129-moddasi, O'zbekiston Respublikasi Vazirlar Mahkamasining 2014 yil 13 mayda gi 120-sonli qarori bilan tasdiqlangan Ijro hujjatlari bo'yicha undiruvni O'zbekiston Respublikasining Davlat byudjeti mablag'lariga va byudjet tashkilotlarining moliyaviy

majburiyatlariga qaratish tartibi to'g'risida nizomning II bo'limi («Undiruvni O'zbekiston Respublikasi Davlat byudjeti mablag'lariga qaratish»).

124-modda. Kassa xarajatlarini amalga oshirish

G'aznachilik bo'linmalari byudjet tashkilotlarining va byudjet mablag'lari oluvchilarning buyurtmalari bo'yicha to'lovlarni ularda byudjetdan ajratiladigan mablag'lar, yuridik va moliyaviy majburiyatlar mavjud bo'lgan taqdirda, shuningdek byudjet tashkilotlari byudjetdan tashqari jamg'armalari mablag'larining qoldiqlari doirasida amalga oshiradi.

Byudjet tashkilotlari va byudjet mablag'lari oluvchilar xarajatlarni to'lash uchun to'lov hujjatlarini g'aznachilik bo'linmalariga to'lov amalga oshiriladigan sanadan kechi bilan bir ish kuni oldin taqdim etadi.

G'aznachilik bo'linmalari tomonidan xizmat ko'rsatiladigan byudjet tashkilotlari (byudjet mablag'lari oluvchilar) o'rtasidagi, byudjet tizimi byudjetlarining turli darajalari o'rtasidagi, shuningdek davlat maqsadli jamg'armalari byudjetlari o'rtasidagi to'lovlar g'azna memorial orderlari asosida amalga oshiriladi.

Byudjet tashkilotlarining va byudjet mablag'lari oluvchilarning chet el valyutasidagi to'lovlari hamda pul o'tkazmalari qonun hujjatlarida belgilangan tartibda O'zbekiston Respublikasining norezidentlari foydasiga amalga oshiriladi.

Tovarlarni (ishlarni, xizmatlarni) yetkazib beruvchi tomonidan shaxsiy g'azna hisobvarag'iga joriy yoki kelgusi yilda qaytariladigan Davlat byudjeti va davlat maqsadli jamg'armalarining mablag'lari hisobidan o'tgan moliya yilida hosil bo'lgan debitorlik qarzining summasi, tegishli moliya yiliga qo'shimcha davrda qaytariladiganidan tashqari, tegishli byudjet daromadlariga o'tkaziladi.

Qarang: Mazkur Kodeksning 120-moddasining uchinchi qismi.

125-modda. Yagona g'azna hisobvarag'idagi mablag'larni boshqarish

O'zbekiston Respublikasi Moliya vazirligi Yagona g'azna hisobvarag'idagi mablag'larni boshqarishni Davlat byudjeti daromadlari tushumlari va xarajatlarining qisqa muddatli prognozlarini tuzish yo'li bilan amalga oshiradi.

Qabul qilingan moliyaviy majburiyatlarni bajarish uchun Yagona g'azna hisobvarag'ida mablag'lar yetishmagan taqdirda, O'zbekiston Respublikasi Moliya vazirligi Davlat byudjeti xarajatlarining cheklangan hajmini belgilaydi hamda uning asosida byudjet tashkilotlari va byudjet mablag'lari oluvchilarga xarajatlarni to'lash uchun ruxsatnomalar beradi.

Xarajatlarni to'lash uchun ruxsatnomalar berish **tartibi** O'zbekiston Respublikasi Vazirlar Mahkamasi tomonidan belgilanadi.

O'zbekiston Respublikasi Moliya vazirligi Yagona g'azna hisobvarag'idagi va boshqa bank hisobvaraqlaridagi byudjet tizimi byudjetlarining vaqtincha bo'sh turgan mablag'larini boshqaradi.

*(125-modda O'zbekiston Respublikasining 2018 yil 24 dekabrda O'RQ-508-sonli **Qonuniga** asosan to'rtinchi qism bilan to'ldirilgan — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)*

Yagona g'azna hisobvarag'ining vaqtincha bo'sh turgan mablag'lari mavjud bo'lgan taqdirda, O'zbekiston Respublikasi Moliya vazirligi tijorat banklarida depozitlarga joylashtirilishi mumkin bo'lgan mablag'larning hajmini belgilaydi.

*(125-moddaning beshinchi qismi O'zbekiston Respublikasining 2018 yil 24 dekabrda O'RQ-508-sonli **Qonuni** tahririda — Qonun hujjatlari ma'lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)*

Yagona g‘azna hisobvarag‘ining vaqtincha bo‘sh turgan mablag‘larini joylashtirish va ularni tijorat banklarida depozitlarga joylashtirishdan olingan daromadlardan foydalanish **tartibi** O‘zbekiston Respublikasi Vazirlar Mahkamasi tomonidan belgilanadi.

*(125-moddaning oltinchi qismi O‘zbekiston Respublikasining 2018 yil 24 dekabrda O‘RQ-508-sonli **Qonuni** tahririda — Qonun hujjatlari ma’lumotlari milliy bazasi, 25.12.2018 y., 03/18/508/2365-son — 2019 yil 1 yanvardan kuchga kiradi)*

*Qarang: Mazkur Kodeksning 15-moddasi, O‘zbekiston Respublikasi Vazirlar Mahkamasining 2007 yil 20 martdagi 53-son qarori bilan tasdiqlangan O‘zbekiston Respublikasi moliya vazirligining g‘aznachiligi to‘g‘risida nizom 8-bandining **uchinchi xatboshisi**.*

126-modda. Davlat byudjeti, davlat maqsadli jamg‘armalari va O‘zbekiston Respublikasi Tiklanish va taraqqiyot jamg‘armasining qo‘shimcha manbalaridan foydalanish

*(126-moddaning nomi O‘zbekiston Respublikasining 2019 yil 9 dekabrda O‘RQ-590-sonli **Qonuni** tahririda — Qonun hujjatlari ma’lumotlari milliy bazasi, 10.12.2019 y., 03/19/590/4129-son)*

O‘zbekiston Respublikasi respublika byudjetining qo‘shimcha manbalari O‘zbekiston Respublikasining respublika byudjeti taqchilligini qoplashga, joriy moliya yili uchun belgilangan aylanma kassa mablag‘larining miqdorini to‘ldirishga, qolgan qismi esa, O‘zbekiston Respublikasi Vazirlar Mahkamasining qarorlari bilan belgilanadigan tadbirlarni moliyalashtirishga yo‘naltiriladi.

Qoraqalpog‘iston Respublikasi respublika byudjetining, viloyatlar viloyat byudjetlarining, Toshkent shahri shahar

byudjetining, shuningdek tumanlar va shaharlar byudjetlarining qo'shimcha manbalari birinchi navbatda joriy moliya yili uchun belgilangan aylanma kassa mablag'larining miqdorini to'ldirishga yo'naltiriladi.

O'zbekiston Respublikasi respublika byudjetining, Qoraqalpog'iston Respublikasi respublika byudjetining, viloyatlar viloyat byudjetlarining, Toshkent shahri shahar byudjetining, shuningdek tumanlar va shaharlar byudjetlarining qo'shimcha manbalari tegishli byudjet hisobidan moliyalashtirilishi nazarda tutilmagan tashkilotlarni saqlab turishga yo'naltirilishi mumkin emas.

O'zbekiston Respublikasi respublika byudjeti, davlat maqsadli jamg'armalari hamda O'zbekiston Respublikasi Tiklanish va taraqqiyot jamg'armasining qo'shimcha manbalari va yil boshiga qoldiq mablag'lari tegishli ravishda ular umumiy xarajatlarining 3 foizidan oshmagan miqdorda O'zbekiston Respublikasi Prezidentining va Vazirlar Mahkamasining qarorlariga muvofiq foydalaniladi hamda foydalanilgan mablag'lar bo'yicha Qonunchilik palatasiga har chorakda hisobot taqdim etiladi. Mazkur xarajatlar 3 va undan ortiq foizga oshgan taqdirda Davlat byudjeti to'g'risidagi Qonunga o'zgartirishlar kiritiladi.

Qoraqalpog'iston Respublikasi respublika byudjetining, viloyatlar viloyat byudjetlarining, Toshkent shahri shahar byudjetining, tumanlar va shaharlar byudjetlarining qo'shimcha manbalardan foydalanish to'g'risidagi qarorlar tegishli ravishda Qoraqalpog'iston Respublikasi Jo'qorg'i Kengesi, xalq deputatlari viloyatlar, Toshkent shahar, tumanlar va shaharlar Kengashlari tomonidan Qoraqalpog'iston Respublikasi Vazirlar Kengashining, viloyatlar, Toshkent shahar, tumanlar va shaharlar hokimliklarining takliflariga asosan birinchi navbatda ijtimoiy soha muassasalarining moddiy-texnika bazasini mustahkamlash maqsadida qabul qilinadi.

Tumanlar va shaharlar hokimliklari tumanlar va shaharlar byudjetlari qo'shimcha manbalarining kamida 10 foizini jamoatchilik fikri asosida shakllantiriladigan tadbirlarni moliyalashtirishga yo'naltiradi.

Qoraqalpog'iston Respublikasi Vazirlar Kengashi Raisi, viloyatlar, Toshkent shahar, tumanlar va shaharlar hokimlari favqulodda va shunga o'xshash kechiktirib bo'lmaydigan choralar ko'rilishi talab etiladigan hollarda ishlatilgan mablag'lar to'g'risida Qoraqalpog'iston Respublikasi Jo'qorg'i Kengesi, xalq deputatlari viloyatlar va Toshkent shahar, tumanlar va shaharlar Kengashlariga hisobot berish sharti bilan qo'shimcha manbalarni yo'naltirish bo'yicha qarorlar qabul qiladi.

(126-moddaning to'rtinchi va beshinchi qismlari O'zbekiston Respublikasining 2019 yil 9 dekabrda O'RQ-590-sonli Qonuniga asosan to'rtinchi — yettinchi qismlar bilan almashtirilgan — Qonun hujjatlari ma'lumotlari milliy bazasi, 10.12.2019 y., 03/19/590/4129-son)

127-modda. Davlat byudjetining daromadlari va xarajatlarini boshqarish

Joriy moliya yili uchun mo'ljallangan Davlat byudjeti taqchilligining tasdiqlangan cheklangan miqdori ortgan taqdirda, O'zbekiston Respublikasi Vazirlar Mahkamasi O'zbekiston Respublikasi Moliya vazirligining taqdimnomasiga ko'ra O'zbekiston Respublikasi Oliy Majlisining palatalariga Davlat byudjeti xarajatlarini qisqartirish to'g'risida takliflar kiritadi.

Davlat byudjeti xarajatlarini qisqartirishda xarajatlarning ustuvorligi va ijtimoiy yo'naltirilganligi byudjet tashkilotlarining va byudjet mablag'lari oluvchilarning qabul qilingan yuridik hamda moliyaviy majburiyatlari hisobga olingan holda baholanadi.

Qoraqalpog'iston Respublikasi Jo'qorg'i Kengesi, xalq deputatlari viloyatlar va Toshkent shahar, shuningdek tumanlar va shaharlar Kengashlari o'z byudjetlarining balanslilik buzilishiga va Davlat byudjeti taqchilligining tasdiqlangan

cheklangan miqdori oshishiga olib keladigan tegishli byudjet daromadlarini qisqartirishga yoki xarajatlarini ko'paytirishga qaratilgan biror-bir qaror qabul qilishga haqli emas.

Qoraqalpog'iston Respublikasi byudjeti, viloyatlar va Toshkent shahar mahalliy byudjetlari qabul qilinganidan keyin moliya yili mobaynida Qoraqalpog'iston Respublikasi Jo'qorg'i Kengesi, xalq deputatlari viloyatlar va Toshkent shahar, shuningdek tumanlar va shaharlar Kengashlarining tegishli byudjet daromadlari qisqarishiga olib keladigan qarorlari tegishli byudjet xarajatlari qisqartirilgan taqdirdagina qabul qilinishi mumkin.

Agar Davlat byudjeti qabul qilinganidan keyin moliya yili mobaynida tegishli byudjetlarning daromadlari va xarajatlari parametrlarini ko'paytirish yoki kamaytirish to'g'risida qarorlar qabul qilinsa, O'zbekiston Respublikasi Moliya vazirligi, Qoraqalpog'iston Respublikasi, viloyatlar va Toshkent shahar moliya organlari tomonidan tegishli darajadagi byudjetlar hajmlariga o'zgartirishlar kiritiladi. Xarajatlarni ko'paytirish yoki qisqartirish barcha darajadagi byudjetlar o'rtasida o'zaro hisob-kitoblar yo'li bilan amalga oshiriladi.

Qarang: O'zbekiston Respublikasining 2002 yil 12 dekabrda "O'zbekiston Respublikasi Oliy Majlisining Senati to'g'risida"gi 432-II-son Konstitusiyaviy qonunining 8-moddasi birinchi qismining 11-bandi, 18-moddasi birinchi qismining 4-bandi.

128-modda. Ijro hujjatlari bo'yicha undiruvni Davlat byudjeti va davlat maqsadli jamg'armalari mablag'lariga qaratish

Undiruvni Davlat byudjeti mablag'lariga qaratishni nazarda tutuvchi ijro hujjatlarini ijro etish moliya organlari tomonidan tegishli byudjet mablag'lari hisobidan amalga oshiriladi.

Ijro hujjatlari bo'yicha tegishli byudjetdan mablag'lar olish uchun ijro hujjatida kimning foydasiga byudjet mablag'lari o'tkazilishi nazarda tutilgan bo'lsa, o'sha shaxslar yoxud

ularning vakillari (bundan buyon matnda undiruvchilar deb yuritiladi) tegishli moliya organlariga ijro hujjatining asl nusxasini ilova qilgan holda ariza taqdim etadi. Arizada byudjet mablag‘lari o‘tkazilishi talab qilinayotgan undiruvchining bank hisobvarag‘i ko‘rsatilgan bo‘lishi lozim.

Ijro varaqasi yoki sud buyrug‘i sudyaning elektron raqamli imzosi bilan tasdiqlangan elektron hujjat tarzida axborot tizimi orqali taqdim etilishi mumkin.

(128-modda O‘zbekiston Respublikasining 2015 yil 29 dekabrda O‘RQ-396-sonli Qonuniga asosan uchinchi qism bilan to‘ldirilgan — O‘R QHT, 2015 y., 52-son, 645-modda)

128-moddaning uchinchi qism 2016 yil 1 iyuldan e‘tiboran amalga kiritiladi.

Moliya organi ijro hujjati kelib tushgan kundan e‘tiboran belgilangan tartibda uning ijro etilishini ta‘minlaydi.

Undiruvni davlat maqsadli jamg‘armalari mablag‘lariga qaratishni nazarda tutuvchi ijro hujjatlarini ijro etish davlat maqsadli jamg‘armalarini taqsimlovchi organlar tomonidan O‘zbekiston Respublikasi Vazirlar Mahkamasi belgilagan tartibda amalga oshiriladi.

Qarang: O‘zbekiston Respublikasi Vazirlar Mahkamasining 2014 yil 13 maydagi 120-sonli qarori bilan tasdiqlangan «Ijro hujjatlari bo‘yicha undiruvni O‘zbekiston Respublikasining Davlat byudjeti mablag‘lariga va byudjet tashkilotlarining moliyaviy majburiyatlariga qaratish tartibi to‘g‘risida»gi nizomning II bo‘limi («Undiruvni O‘zbekiston Respublikasi Davlat byudjeti mablag‘lariga qaratish»).

129-modda. Ijro hujjatlari bo'yicha byudjet tashkilotlarining moliyaviy majburiyatlarini bajarish

Byudjet tashkilotlarining moliyaviy majburiyatlari bo'yicha undiruvni nazarda tutuvchi ijro hujjatlarini ijro etish sud hujjatlarini va boshqa organlar hujjatlarini ijro etish to'g'risidagi **qonun hujjatlariga** muvofiq, ushbu moddada belgilangan o'ziga xos xususiyatlar hisobga olingan holda davlat ijrochilari tomonidan amalga oshiriladi. Byudjet tashkilotlaridan ijro yig'imi undirilishiga yo'l qo'yilmaydi.

*(129-moddaning birinchi qismi O'zbekiston Respublikasining 2017 yil 16 oktyabrdagi O'RQ-448-sonli **Qonuni** tahririda — Qonun hujjatlari ma'lumotlari milliy bazasi, 2017 y.)*

Byudjet tashkilotlarining moliyaviy majburiyatlari bo'yicha undiruvni nazarda tutuvchi ijro hujjatlarini ijro etish:

birinchi navbatda byudjet tashkilotining byudjetdan tashqari jamg'armasi mablag'lari hisobidan;

to'lanishi lozim bo'lgan qarz byudjet tashkilotining xarajatlar smetasi bo'yicha xarajatlar moddasiga muvofiq bo'lganda — byudjetdan ajratiladigan mablag'lar hajmi doirasida amalga oshiriladi.

*Qarang: O'zbekiston Respublikasi Vazirlar Mahkamasining 2014 yil 13 maydagi 120-sonli qarori bilan tasdiqlangan Ijro hujjatlari bo'yicha undiruvni O'zbekiston Respublikasining Davlat byudjeti mablag'lariga va byudjet tashkilotlarining moliyaviy majburiyatlariga qaratish tartibi to'g'risidagi nizomning **III bo'limi** («Byudjet tashkilotlarining moliyaviy majburiyatlari bo'yicha undiruvni qaratish»).*

130-modda. Qabul qilingan Davlat byudjeti va davlat maqsadli jamg'armalarining byudjetlari mavjud bo'lmaganda byudjetni ijro etish tartibi

Agar kelgusi moliya yili uchun Davlat byudjeti, davlat maqsadli jamg'armalari byudjetlari yil boshlanguniga qadar qabul qilinmagan bo'lsa, Davlat byudjeti va davlat maqsadli jamg'armalari byudjetlari quyidagi shartlarga rioya etilgan holda ijro etiladi:

o'tgan moliya yilida amalda bo'lgan soliqlar va boshqa majburiy to'lovlarni taqsimlash normativlari saqlab qolinadi;

boshlanayotgan moliya yilida xarajatlar tasdiqlangan vaqtinchalik xarajatlar smetalariga muvofiq amalga oshiriladi.

Davlat byudjeti va davlat maqsadli jamg'armalarining byudjetlari moliya yili boshlanganidan keyin qabul qilingan taqdirda, moliya yili mobaynida xarajatlarning umumiy summasi qabul qilingan Davlat byudjetiga va davlat maqsadli jamg'armalari byudjetlariga muvofiqlashtirilishi kerak.

Qarang: Mazkur Kodeksning 129, 131-moddalari, O'zbekiston Respublikasi Adliya vazirligi tomonidan 14.03.2002 yilda 1111-son bilan ro'yxatdan o'tkazilgan O'zbekiston Respublikasi moliya vazirining 29.12.2001 yildagi 130-sonli buyrug'i bilan tasdiqlangan O'zbekiston Respublikasi davlat byudjetini tuzish va ijro etish qoidalari.

131-modda. Joriy moliya yilini yakunlash

Joriy moliya yilining byudjet tizimi byudjetlariga tushumlarni kiritish bilan bog'liq bo'lgan barcha operatsiyalari joriy moliya yilining oxirgi ish kunida yakunlanadi.

Davlat byudjetiga va davlat maqsadli jamg'armalarining byudjetlariga kelgusi yilda kiritilgan daromadlar yangi boshlangan yil daromadlari hisoblanadi.

Davlat byudjeti va davlat maqsadli jamg'armalarining byudjetlari daromadlari bo'yicha tranzit hisobvaraqlariga joriy

yilning oxirgi ish kuni tugaguniga qadar kiritilgan va yangi boshlangan yilning uch ish kuni mobaynida Yagona g'azna hisobvarag'iga o'tkazilgan daromadlar o'tgan yilning daromadlari hisoblanadi.

Joriy yilning Davlat byudjeti va davlat maqsadli jamg'armalari byudjetlaridan barcha to'lovlar moliya yiliga qo'shimcha vaqt davri tugaganidan so'ng yakunlanadi.

Qo'shimcha vaqt davrida joriy moliya yili uchun Davlat byudjeti va davlat maqsadli jamg'armalari byudjetlarini ijro etish bo'yicha operasiyalar, shu jumladan:

- byudjetlararo munosabatlarni tartibga solish;

- byudjet tashkilotlari va byudjet mablag'lari oluvchilarning kreditorlik qarzlarni to'lash;

- byudjet tashkilotlari tomonidan iqtisod qilingan mablag'lar summalarini byudjet tashkilotlarining rivojlantirish jamg'armalariga (tibbiyot tashkilotlarining moddiy rag'batlantirish va rivojlantirish jamg'armalariga) o'tkazish;

Davlat byudjeti va davlat maqsadli jamg'armalarining byudjetlari mablag'lari hisobidan boshqa ruxsat etilgan to'lovlar amalga oshiriladi.

Byudjetlararo munosabatlarni tartibga solish yuqori va quyi turuvchi byudjetlar, shuningdek davlat maqsadli jamg'armalari byudjetlari o'rtasidagi o'zaro qarzdorlikning jami summasi to'lanishini nazarda tutadi.

O'tgan yilni yakunlash bo'yicha qo'shimcha vaqt davrida muayyan to'lovlarni amalga oshirish tartibi va muddatlari O'zbekiston Respublikasi Moliya vazirligi tomonidan belgilanadi.